

# CYNGOR CYMUNED BRYNGWRAN COMMUNITY COUNCIL

COFNODION Y CYFARFOD A GYNHALIWYD NOS FAWRTH  
11 Chwefror 2025  
AM 7.00 TRWY ZOOM

<b>YN BRESENNOL:</b> Cyng I Roberts, P Roberts, E Law-Shui Nicholson, H N Evans, S Jones, C Thomas, D Fowlie (Cynghorydd Sir), G Owen (Clerc)	
<b>YMDDIHEURIADAU:</b> Cyng R G Parry, H Owens	
<b>1</b>	Cadeirwyd y cyfarfod gan y Cadeirydd Cyng I Roberts. Croesawodd y Cadeirydd pawb i'r cyfarfod.
<b>2</b>	<b>DATGAN DIDDORDEB</b> – Dim
<b>3</b>	<b>DERBYN COFNODION</b> Derbyniwyd cofnodion y cyfarfod 15.01.25 fel cofnodion cywir. Cyng P Roberts yn cynnig a Cyng S Jones yn eilio.
<b>4</b>	<b>MATERION YN CODI O'R COFNODION</b>
<b>4.1</b>	<b>Maes Chwarae CCTV</b> – Mae'r Clerc yn aros i glywed ymhellach gan y Brifathrawes a bydd yn cysylltu ymhellach.
<b>4.2</b>	<b>Bin Lon Ty Hen</b> – Mae'r Clerc yn aros am ad-daliad ar y bin sydd wedi'i ddychwelyd a bydd wedyn yn archebu un llai.
<b>4.3</b>	<b>Terfyn cyflymder Engedi</b> – Mae y Cyngor Sir yn aros am arweiniad pellach gan Lywodraeth Cymru
<b>4.4</b>	<b>Mynwent Bryngwran</b> - Mae'r Clerc wedi ysgrifennu at berchennog Mountain View ynglŷn â'r goeden sydd wedi gordyfu ond heb derbyn Ymateb. Dywedodd y Cyng Thomas y bydd ei gŵr yn gweld a all dynnu'r goeden sydd wedi disgyn. Mae cerrig yn disgyn o'r wal ar y ffordd i'r fynwent. Cynigiodd y Cyng S Jones dynnu lluniau a'u hanfon at y Clerc.
<b>4.5</b>	<b>Traffig yn gadael Plas Crigyll</b> - Datgan y Cyngor Sir nad oes angen drych yn y lleoliad hwn. Mae'r Cynghorydd H N Evans wedi trosglwyddo'r wybodaeth hon i Blas Crigyll (i'r staff a wnaeth y gŵyn). Bydd yn gwirio a yw'r Cyngor Sir wedi bod mewn cysylltiad â Phlas Crigyll ac yn edrych ar ddulliau o arafu'r traffig.
<b>4.6</b>	<b>Dosbarthwr bagiau cwn</b> – Mae y Clerc yn archebu dosbarthwr newydd
Llofnod.....Cadeirydd 20.03.25	

<b>4.7</b>	<b>Diffibriliwr</b> – Nid yw'r Clerc wedi clywed gan SP Energy Networks ynglŷn â gosod diffibriliwr ar eu heiddo ym Mro Isaf. Cytunwyd felly y byddai'n gofyn i'r feddygfa a ellir ei gosod yno. Os bydd yn cael caniatâd, bydd wedyn yn gwneud cais am grant l'r British Heart Foundation. Mae cyfraniad o £500 gan Bro Isaf tuag at y diffibriliwr.
<b>5</b>	<b>ADRODDIAD y CADEIRYDD</b> – Awgrymodd y Cadeirydd fod hysbysfwrdd newydd yn cael ei brynu yn lle'r un sydd wedi torri gyferbyn â'r eglwys. Bydd y Clerc yn archebu hysbysfwrdd yr un fath â'r un ym maes parcio'r ysgol.
<b>6</b>	<b>GOHEBIAETH CYNGOR YNYS MON</b>
	Dim
<b>7</b>	<b>GOHEBIAETH YCHWANEGOL</b>
<b>7.1</b>	Mae'r Clerc wedi derbyn un tendr ar gyfer torri gwair 2025 gan Rhys Williams am £3187.00. Cytunwyd i dderbyn y tendr.
<b>7.2</b>	Bethan Jones - Mae'r Clerc wedi derbyn ebost wrth Ms Bethan Jones yn cwyno am fagiau baw ci yn cael eu gadael ar y ddaear gyferbyn â'i chartref. Bydd y Clerc yn cysylltu â hi i ddatgan bod y cyngor yn prynu bin i'w roi o dan y dosbarthwr bagiau a gofyn a yw hi'n hapus gyda hyn?
<b>8</b>	<b>MATERION ERAILL</b>
<b>8.1</b>	Ffens maes Chwarae - Dywedodd y Cadeirydd fod rhai o'r paneli ffensio yn y maes chwarae wedi torri. Cytunwyd i gael dyfynbrisiau ar gyfer amnewidiadau.
<b>9</b>	<b>MATERION ARIANNOL</b>
	Cytunwyd i dalu'r canlynol:
<b>9.1</b>	Anglesey Computer Solutions £198.00
<b>9.2</b>	Humphreys Waste £24.00 (Anf 17858)
<b>10</b>	<b>MATERION AR GYFER Y RHAGLEN NESAF</b>
	Dim
	Llofnod.....Cadeirydd 20.03.25